

num sentibus de ipsa resecatis, in frugem sanctæ A religionis fructis fecerunt nova plantatio, et sanctimoniales quas Dominus noster Jesus Christus per me licet indignum sacerdotem de luxu revocatas in loco supradicto plurimas, ad laudem et gloriam sui nominis congregavit, oblitis curis secularibus, sub vestræ protectionis clypeo, carnem doment, spiritum roborent, divino prorsus, ut coeperunt. invigilantes servitio.

Eidem defensioni mancipamus, omnia loca quæ in vestra dioecesi sunt, tam virorum, quam sanctimonialium ad ecclesiam Fontis Ebraldi pertinenter. Sanetrimonialium scilicet quæ sunt ad Podiam inter Calvinacum et Englam, et obedientiam de Jarunda, et illam de Gaina; et si qua alia loca possident, sive in posterum juste et canonice possidebunt. Hanc autem traditionem seu commendationem vestræ defensioni de Ecclesia Fontis Ebraldi facimus, fratres dilectissimi; communi consilio sororum ejusdem ecclesiae, et vos consilio charissimi Patris Petri venerabilis episcopi, et omnium vestrum eamdem recipitis. Pro tanto vero defensionis beneficio, ancillæ Christi quæ in ecclesia Fontis Ebraldi sunt, sive fuerint, et pro vobis viventibus quotidie obrabant, et quando aliquis vestrum obierit, tantum pro anima defuncti reddent Deo servitium, quantum pro anima sanctimonialis, quæ de congregatione illarum ex hoc sæculo decesserit. Et in memoria tantæ dilectionis sit in perpetuum censiva ecclesia Fontis Ebraldi Pictaviensi ecclesiae de XII denariis ad synodum Pentecostes. Fraternitatem vestram Deus omnipotens in religione custodiat, fratres dilectissimi.

Sigillum Petri episcopi  
Sig. Aimerici decani.  
Sig. Gausredi cantoris.  
Sig. Willelmi archidiaconi.  
Sig. Hersei archidiac.  
Sig. Rainerii capiceri.  
Sig. Willelmi magistri scholarum.  
Sig. omnium canonicorum.  
Sig. Roberti de Arbrisello.  
Sig. Hersendis sanctimonialis.  
Sig. Petronillæ.

Sig. omnium sanctimonialium Fontis Ebraldi.

Data Pictavi in synodo, anno ab Incarnatione Domini 1109, indict. II, epacta XVII, XIII Kal. Iunii, secundo Paschali papa, Petro praesidente cathedrali Pictavorum, Ludovico rege Francorum, Willelmo duce Aquitanorum. In Christo Jesu feliciter. Amen.

## II.

*Charta Roberti de Arbrisello per quam concedit monasterium in Caduniensi pago situm, domino Gerardo de Salis.*

(Anno 1115.)

Ego Robertus de Arbrisello, concedo et irreversibiliter tribuo, nullo pacto, nisi solo charitativa germanitatis amore retento, domino Gerardo de Salis, venerabili magistro, socio meo, inter necessarios amicissimo, ejusque filiis, imo conservis tam extemporaneis, quam successuris, utrumque locum in silva Caduniensi situm, videlicet tam eum de Seguini valle, quem ipse Gerardus cum suis commilitonibus tanquam sibi sub mei persona acquisierat, acquisitum ædificaverat, quam illum qui Salvitas dicitur, et universaliter quidquid mihi vel alii vice mei præstatum infra nemus concessum est, atque ut ibidem sub dominica clientela norma Deo militent, eorum arbitrio et affectui relinquo. Hanc autem concessionem authenticam, et solemniter actam coram generali sanctimonialium capitulo, collaudante et concedente earum fidentissima Petronilla, imo ancillarum Dei ancilla, inconclusam persistere decerno, omnisque calumniæ querelam, sive controversiam hinc funditus secludo, hinc radicitus elevolo, et penitus interdico.

Est prædictorum concessio facta locorum apud Fontem Ebraldi B. Benedicti die festiva v Idus Julii, anno ab Incarnatione Domini 1115, præsulatu domni papæ Paschalis anno XVI, inductione VIII, in tempore viduatæ Pictaviensis ecclesiae, viam ingresso universæ carnis Petro antistite, Ludovico Francigenarum rege, Guillelmo Aquitanorum duce

Talia testantur, qui taliter intitulantur  
Fulco Andegavensem consul.  
Paganus de Claris Vallibus.  
Aimericus vicecomes Toarcensis, et alii.

## CONCORDIA

Inter monasterium Sancti Sepulcri Sulliensis et cœnobium Fontis Ebraldi.

(Anno 1114.)

(PAVILLON, *Vie de Robert d'Arbrissel*, p. 609.)

Reverendissimis Patribus suisque dominis Radulmo sanctæ Turonensis Ecclesiae archiepiscopo et Gerardo episcopo Engolismensi, vices apostolicæ

D sedis in his partibus fideliter et prudentissime dispensanti, et reverendissimo et Deo amabili Petru episcopo, Petrus abbas Sulliensis et totus ejus con-

ventus humilis, et ROBERTUS de ARBRISEL clarissimus vir et Deo amantissimus, totaque sua humilis et devota congregatio debite obedientiae reverentia et sanctorum munus orationum.

Quoniam sanctis desideriis, justisque petitionibus assensum præbere Christianæ perfectionis esse manifestum est, vestræ sublimitatis affusi genibus, sinceritatis vestræ clementiam humiliiter ac devotissime deprecamur, ut quæ infra de pace et concordia, et dilectione quæ facta est inter nos, scilicet monasterium S. Sepulcri Sulliensis et sanctam Ecclesiam Fontis Ebraldi super quadam querela scripto adnotata videritis, eo divinæ auctoritatis pondere confirmatis, ut nulla præsentium vel futurorum inquietudine conventi nulli possint pravorum penitus hominum falsis adinventionibus ullo modo ulterius fatigari. Inter cætera itaque quæ Galterius princeps Christianissimus fundator ecclesiæ Sullensis S. Sepulcri, eidem soluta ac libera, ac jure perpetuo possidenda de propriis possessionibus ob remedium suæ animæ dederit, hoc quoque in charta quam ipse in persona propria ab archiepiscopo Turonensi impetravit fieri, ac sigillo proprio sigillari donasse repertus est, videlicet boscum de Bort ad extirpandum, ita ut monachi inde habeant medietatem, istud idem in prædicta charta habetur, quod quia obscure positum erat, dissensionem et discordiam inter nos quos magis injuriam pati, quam disceptare vel litigare oportuerat, generabat. Nam nos Sullenses monachi prædicatorum verborum occasione, C quidquid in bosco de Bort (est enim ibi locus qui

A dicitur Fons Evraudus ædificatum vel constructum fuerat, sive in ecclesiis, sive in officinis, vel in aliis domibus, in omnibus denique extirpationibus nemoris quas in terram arabilem discipuli Patris Roberti redegerant clamabamus. Quapropter nobis in unum convenientibus, scilicet abbatte Sullensi cum suis monachis et venerabili Roberto de Arbrissello cum quibusdam de discipulis suis, ac de ancillis Dei apud Salicum, præsente ipso principe clarissimo Galtero de monte Sorello, quem fundatorem abbatiæ superiorius diximus Sullensis, nos Sullenses tanti viri, tanquam doctoris honore debito præsentiam venerantes, ejusque sanctis admonitionibus deferentes, maluimus aliquid de proprio relaxare, quam S. Spiritum in ipso, suaque gloriosissima congregatione irritare, talique conventione, tali pacto, talique tenore prædictæ querelæ concordia, supradicto admittente Galtero de monte Sorello inter nos facta est, ut nos Sullenses mouachi nihil prorsus de omnibus quæ ad D. Robertum et ad suos pertinent, ulterius clamemus, etc.

B Hec autem charta facta est anno ab Incarnat. Dom. 1114, x Kal. Octobris, regnante Ludovico rege Francorum et Fulcone Andegavorum comite.

Ego Girardus Engolismensis episcopus et sanctæ Romanæ Ecclesie legatus hanc concordiam apostolicæ sedis auctoritate confirmo, et sigillo meo muniri feci, et propria manu subscripsi.

S. Radulfi Turonensis archiepiscopi.

S. Petri Pictaviensis episcopi.

## APPENDIX AD B. ROBERTUM DE ARBRISELLO.

### PETRI PICTAVIENSIS EPISCOPI

#### PRIVILEGIA PRO ORDINE ET CONGREGATIONE FONTIS EBRALDI.

##### I.

*Charta confirmationis ordinis et congregacionis  
Fontis Ebraldi a Petro Pictaviensi episcopo.*

(Anno 1106.)

[COSNIER, *Exord. Font. Ebrald. p. 144.*]

Ego PETRUS, Pictaviensis episcopus, notum facio omnibus tam præsentibus quam futuris, quod in nostro tempore quidam vir apostolicus nomine Robertus de Herbressello, verbo divinæ prædicationis sagaciter invigilans, et tonitruo sanctæ exhortationis, plures tam viros quam mulieres a sæculari luxu revocans, in nostræ diœcesi ecclesiam quam-

D dam in honore sanctæ Mariæ virginis fundavit, in loco qui Fons Ebraudi vocatur, quem locum Arimburgis uxor Widonis filii Osmundi et Rivaria filia ejus ad ædificandam prædictam ecclesiam sibi sederunt, adjacentes terram quatuor bobus excolendam in duobus temporibus; ipse vero in prædicta ecclesia plures congregavit mulieres, quas sanctimoniales constituit, ut ibi regulariter viverent, et mundanis voluptatibus abrenuntiantes soli Deo deservirent. Non multo vero post tempore, ego dominum Paschalem apostolicum adiens, ab eo impetravi ut ibi semper sanctimoniales essent, et apostolica auctoritate